



Inatsisartuni ilaasortaq Aqqaluaq B. Egede, Inuit Ataqtigiit
Inatsisartut Allattoqarfiat
/Maani

**Naalakkersuinikkut suleqatigiittoqarnera allallu pillugit § 37 naapertor-
lugu apeqqummut nr. 2019/95-imut akissutit**

20-02-2019

Asasara Aqqaluaq B. Egede,

Postboks 1015
3900 Nuuk
Oqarasuaat (+299) 34 50 00
Fax (+299) 32 50 02
e-mail: govsec@nanoq.gl
www.naalakkersuisut.gl

Inatsisartut suleriaasianni § 37 naapertorlugu naalakkersuinikkut suleqatigiitto-
qarnera allallu pillugit Naalakkersuisunut apeqquteqarsimavutit. Apeqqutigisatit
uannut akineqartussanngorlugit ingerlateqqinneqarsimapput.

Apeqqutigineqartut ima oqaasertaqarput:

- 1. Ilumoorpa Naalakkersuisut Siulittaasuat Qaqortumi innuttaasunik
ataatsimiisitsinermini immiunneqartumi Inuit Ataqtigiit siuttui nu-
natsinni ineriartornermi kigaallassaasutut oqaatigisimagai?**

Akissut.

Akissuteqarniarninni Qaqortumi ullormi 28. januar 2019 innuttaasunik ataatsi-
miititsinermut innersuussisimanerit akissuteqarninni aallaavigissavakka. Apeqqu-
tigineqartumi erseqqissaataasutut taamatut oqarsimanagera ilisarisinnaannginnakku
paasissutissiissutigissavara.

Tamatuma saniatigut nalinginnaasumik oqaaseqaatit erseqqissaatigissavara isu-
maqarama naalakkersuinikkut sulinermini allat uangalu isumaannut angusaannullu
qanoq isumaqarnerluta annissisinnaanerput naalakkersuinikkut oqallinnermut
ilaalluinnartoq.

- 2. Naalakkersuisut Siulittaasuata Qaqortumi innuttaasunik ataatsimii-
sitsinera immiunneqarpa?**

Akissut.

Naalakkersuisut Siulittaasuata Naalakkersuisoqarfia tamanut ammasumik ataatsi-
miititsinerup immiunneqarneranik pigisaqanngilaq. Ataatsimiinnerup allanit im-
miunneqarsimaneranik ilisimasaqanngilanga. Nalunaarutigisinnaavarali nammi-
neq isumaga malillugu ataatsimiinneq ajunngitsumik ingerlanneqartoq, peqataasut
tungaanniit soqutigineqarlualunilu apeqquteqarfigineqarusuttoq.

3. Naalackersuisut Siulittaasuata Inuit Ataqatigiit nunatta ineriartornerani kigaallassaasutut oqaatiginninnini qanoq tunngavilersorsinnaavaa?

Akissut.

Apeqquut 1-imut akissutigisara innersuussutigissavara.

4. Naalackersuisut Siulittaasuata naalackersuinikkut siuttutut inuianik aamma partiinik qanoq ataatsimoortitsinerulernissani anguniarlugu pilersaaruteqarpa?

Akissut.

Naalackersuinikkut sulinerma ilarujussuani naalackersuinikkut suliniutissat Naalackersuisut pingaartitaasa suleqatigiissutiginnissaat anguniarsarisarpara. Taakkunungalu ilaavoq siunnersuutit Naalackersuisut Inatsisartuni suliarisassanngorlugit saqqummiutaasa isumaqatiginninniutigisarnarat.

Isumaqartuarpungalu aalajangiinernut pilersaarutinullu Naalackersuisut Inatsisartuni suliarisannngorlugit saqqummiutaannut naalackersuinikkut isumaqataaffigineqarluartunik suleqatigiinnissaq anguniartariaqartoq. Taamatut isumaqarnej Naalackersuisut Inatsisartuni sulinerannut sunniuteqarsimavoq, tamannalu ingerlaannassaaq.

Naallu innuttaasut sinnerlugit aalajangiiffigisassanut sapinngisamik amerlanerpaat isumaqataasarnissaat kissaatigigaluariga peqatigitillugu nassuerutigissavara siunnersuutitut amerlanerussuteqartut isumaqataaffigisaannut ikinnerussuteqartut ilaanni amerlanerit ikinnerusulluunniit siunnersuutitut akerliullutik taasisarnarat aqqutigalugu naalackersuinikkut assigiinngitsunik isumaqarnerput saqqummerpartoq.

Tamat oqartussaaqataanerata taamaappoq - qujanartumillu. Suliaq sumulluunniit tunngassuteqaraluarpat kikkut tamarmik isumaqataaannissaminnut akerliunissaminnullu kiffaanngissuseqarput. Naalackersuisuni sapinngisarput malillugu naalackersuinikkut suleqatigiilluartoqarnissaa anguniartuarsinnaavarput, Inatsisartunili naalackersuinikkut assigiinngitsunik isumaqarnerput isummersortarnerpullu malillugit suliniartariaqarluta.

5. Naalackersuisut Siulittaasuata suleqatigiinneq siammasinnerusoq patajaannerusorlu angujumallugu isumaqatiginninniarnernik ingerlatsiniarpa?

Akissut.

Aallarniutigalugu isumaqarpunga naalackersuinikkut suleqatigiinneq Naalackersuisut Demokratillu sinnerlugit isumaqatigiissutaasoq aqqutigalugu nunatsinni naalackersuinikkut aquttut siammasissumik patajaatsimillu tunngavissaqartut.

Taamatut suleqatigiittoqarnera ukiaanerani partiit taakku marluusut akornanni isumaqatigiinniarsimerit suleqatigiilluarnissamat ajunngitsumik inerniliinertut isigaara, matumani ilaatigut naalakkersuinikkut allatut isummersortarnerit eqqarsaatersortarnerillu annerutinnagit maanaannaq qinersisoqarnissaa pinngitsoortineqarmat. Partiit marluullutik nunatta ingerlariaqqinnissaanut siunissaanullu aalajangiinissat pisariaqartinneqartut aalajangiiffiginissaat pingaartinnerusimavaat.

Naalakkersuinikkut taamatut inissisimasoqarneranut taamatut inassuteqartoqarnissaanut naalakkersuinikkut partiit allat oqaaseqanngillat. Tamannalu pissutaanerpaasoraara Inatsisartuni partiinit arfineq-marluusunit partiit pingasut Naalakkersuisuni naalakkersuinikkut suleqatigiittoqarnissaanut peqataanngimmata.

Inatsisartuni partiit namminneerlutik aalajangigassaraat Inatsisartuni naalakkersuinik sulinerup annertusarnissaanut isumaqatigiinniarnissat pisariaqartinneqassanersut. Taamatut isumaqatigiinniarnissanut tunngavissaqassappat isumaqatigiinniarnissanut nammineerlunga allallu Naalakkersuisuni peqataasut peqataarusussaagut.

6. Naalakkersuisut Siulittaasuata imigassanut inatsisissaq pillugu Demokraatit piumasaqaataat malinneqassasoq kissaatigisimavaa?

Akissut.

Naalakkersuisut imigassaq pillugu inatsisip allanngortinnissaa pillugu Inatsisartuni ukiakkut isumaqatigiinniarnerni oqarsimapput Naalakkersuisut Inatsisartut aalajangiinerat naapertorlugi imigassaq pillugu inatsisip misissuiffiginissaanut siunnersuummik saqqummiussaqaarumarlutik.

Siunnersuut taamaattoq suliarineqareersimavoq, taannalu Naalakkersuisut atortussaatai allat peqatigalugit Inatsisartut 2019-imi upernaakkut ataatsimiinnissaanut tunniunneqarsimapput. Soorunami inatsisissatut siunnersuutitut Naalakkersuisut Inatsisartunut saqqummiutassaannut isumaqataajumaarpunga.

7. Naalakkersuisut Siulittaasuata Aalisarnermut inatsisissaq pillugu ataatsimiititaliarsuaq sulillunin aallartinnissaa sioqqullugu politikikkut kissaatit suunersut partiinut allanut aamma illua-tungiliutunut tusarniutigineqaqqaassasut?

Akissut.

Aalisarnermut, Piniarnermut Nunalerinermullu Naalakkersuisoq aalisarnermut inatsimmik suliaqarnermut naalakkersuinikkut akisussaasuummat nalunaarutigisavara uanga nammineq Naalakkersuisunut siulittaasutut Aalisarnermut, Piniarnermut Nunalerinermullu Naalakkersuisoq avaqqullugu aalisarnermut inatsit nutaaq pillugu naalakkersuinikkut partiinut allanut isumaqatigiinniarsinnaannginna.

8. Naalakkersuisut Siulittaasuata Kalaallit Airport-imi siulersuisut siulittaasuata ingerlatseqatigiiffiit allat siulersuisuisa siulittaasuanniit suliaqarnerujussuartut naliliinera qanoq tunngavilersuutissartaqarpa?
9. Naalakkersuisut Siulittaasuata Kalaallit Airport-ip Siulersuisuni Siulittaasuata sulinermini pisortat ingerlatseqatigiiffiisa allat siulersuisuisa siulittaasuiniit suliaasa immikkorluinnaq isigisariaqartutut naliligai suuppat? Nassuiaasoqarnissaa qinnutigineqarpoq.
10. Royal Greenland aamma Tele Greenland-ip kiisalu Air Greenland-ip siulersuisuini siulittaasut sanillitussagutsigit Kalaallit Airport-ip siulersuisuini siulittaasup suliaqarneruneranut akissarsiaqarnerunernullu tunngavilersuutit suut aallaavigalugit akissarsianik qaffaasoqarpa? Akissarsianut qaffasinninnernut tunniussisoqarnissaanut suut tunngavilersuutaanersut paaserusunneqarpoq.

Akissut.

Apequtigineqartunut ataatsimut akissutitut Naalakkersuisut § 37 naapertorlugu apeqqtinut nr. 2019/31 aamma 2019/37-mut akissutigisimasaat innersuussutigineqassapput.

11. Kalaallit Airport-imi siulersuisut siulittaasuat saniatigut allamik suliffimmik ingerlataqarnera tunngavigalugu saniatigooralugu Siulersuisuni Siulittaasurtut atuuffeqarsinnaava?

Akissut.

Isumaqarpunga Kalaallit Airports A/S-imi siulersuisuni siulittaasooq ingerlatseqatigiiffimmi annertuumik naammaginatumillu suliaqartoq.

Apeqqtinut saqqummiunneqartunut allanik oqaaseqaatissaqanngilanga.

Inussiarnersumik inuulluaqqusillunga



Kim Kielsen